



**ODBOJKAŠKI SAVEZ  
FEDERACIJE BOSNE I HERCEGOVINE**

---

**P R A V I L N I K  
o radu Trenerske organizacije OS FBiH**

Tuzla, 08.06.2026.

## **I OPŠTE ODREDBE**

### **član 1**

Trenerska organizacija Odbojkaškog saveza FBiH (u daljem tekstu Trenerska organizacija) je interesna organizacija svih odbojkaških trenera sa područja Federacije BiH, kao i svih odbojkaških trenera državljana FBiH koji se trenerskom djelatnošću bave u inostranstvu.

### **član 2**

Ciljevi trenerske organizacije su:

- unapređenje stručnog rada na osnovama naučnih i savremenih metoda rada,
- ekonomska zaštita članova trenerske organizacije u skladu sa pravima i dužnostima zaposlenih zasnovanim na zakonskim propisima,
- pravna zaštita članova trenerske organizacije zasnovana na stručnom i profesionalnom odnosu u rješavanju konkretnih problema,
- objektivno vrednovanje i stimulisanje stručnog rada članova trenerske organizacije,
- zaštita stručnog i profesionalnog statusa članova trenerske organizacije u njihovom radu.

### **član 3**

Trenerska organizacija svoja opšta akta i druge odluke donosi u skladu sa odredbama Statuta i normativnim aktima OS FBiH.

### **član 4**

U ostvarivanju svojih ciljeva preko Upravnog odbora OS FBiH saraduje sa odgovarajućim stručnim institucijama, odbojkaškim klubovima, kao i sa međunarodnim organizacijama u oblasti odbojkaškog sporta.

### **član 5**

Rad trenerske organizacije se isključivo zasniva na principima kvaliteta, a ne na principu pariteta.

### **član 6**

U donošenju svojih opštih akata i drugih odluka kao i u izgrađivanju prijedloga, stavova, mišljenja i inicijativa trenerska organizacija je nezavisna od drugih organa, institucija, političkih partija, klubova, itd.

### **član 7**

Trenerska organizacija OS FBiH je konstitutivni član OS FBiH.

## **II ČLANSTVO, PRAVA I DUŽNOSTI ČLANOVA TRENEERSKE ORGANIZACIJE**

### **član 8**

Članovi trenerske organizacije su svi odbojkaški treneri koji rade na prostoru FBiH, kao i svi odbojkaški treneri, državljanji BiH sa područja FBiH, koji se trenerskom djelatnošću bave u inostranstvu.

## **član 9**

Učlanjenje se vrši potpisivanjem pristupnice trenerskoj organizaciji OS FBiH

## **član 10**

Potpisivanjem pristupnice i izdavanjem licence za tekuću sezonu član trenerske organizacije prihvata pravilnik o radu trenerske organizacije, kao i ostala opšta akta OS FBiH i trenerske organizacije sa svim pravima i obavezama koje za člana proističu iz akta OS FBiH i ovog pravilnika o radu trenerske organizacije.

## **član 11**

Svaki član trenerske organizacije ima člansku legitimaciju čiji sadržaj i oblik utvrđuje nadležni organ, Upravni odbor OS FBiH. O članstvu u trenerskoj organizaciji vodi se posebna evidencija.

## **član 12**

Članstvo u trenerskoj organizaciji prestaje:

- brisanjem zbog neplaćene članarine (u kom slučaju trener ne može obavljati trenerski posao na teritoriji FBiH dok ne izmiri svoje dospjele obaveze u pogledu članarine) i
- isključenjem iz trenerske organizacije.

## **član 13**

Član trenerske organizacije ima sljedeća prava:

- da iznosi sopstvena mišljenja prilikom donošenja odluka, stavova i prijedloga od značaja za rad trenerske organizacije,
- da predlaže, da bira i da bude biran,
- pravo na pravnu zaštitu i pravnu pomoć na način i po postupku koji utvrđuje nadležni organ- UO OS FBiH,
- da bude redovno i tačno informisan o radu trenerske komisije,
- da se obrati Upravnom odboru radi pružanja pravne pomoći prilikom zaključivanja ugovora sa domaćim klubom, stranim klubom, odnosno savezima,
- pravo na usavršavanje, kao i korištenje stručnih, statističkih podataka od interesa za njegov rad.
- da predlaže UO OSFBiH selektore i trenere za sve selekcije muške i ženske reprezentacije BiH a UO će poslije prijedloga zauzeti konačan stav.

## **član 14**

Član trenerske organizacije ima obavezu:

- da poštuje kodeks ponašanja sportista i sportskih radnika OS FBiH, OSBiH,
- da poštuje odredbe ovog pravilnika o radu trenerske organizacije kao i drugih opštih akata donijetih na osnovu njega, kao i odluke donijete od strane nadležne trenerske komisije u trenerskoj organizaciji i UO OS FBiH,
- da poštuje pravilnik o licenciranju trenera,
- da poštuje ugovor sa klubom u kome radi, odnosno sa savezom u kome je angažovan i da jedan primjerak ovog ugovora dostavi trenerskoj organizaciji radi evidentiranja i dobijanja licence u roku od sedam dana od dana njegovog potpisivanja, a ukoliko to ne učini, ne može dobiti licencu za obavljanje dužnosti trenera,
- da poštuje pravilnik o kategorizaciji i minimalnoj cijeni rada,

- da čuva ugled i imovinu trenerske organizacije,
- da redovno plaća članarinu trenerskoj organizaciji,
- da u radu trenerske organizacije bude s uzdržan od svake političke aktivnosti,
- da sve sporove nastale u okviru saveza rješava pred arbitražnom/ disciplinskom sudijom OS FBiH, čije su odluke konačne i obavezujuće.

### **III STRUČNI RAD**

#### **član 15**

Odbojkaški stručnjaci (treneri) su stručna lica osposobljena za rad u sportu koja moraju imati:

- višu ili visoku stručnu spremu iz oblasti sporta i fizičkog vaspitanja ili
- imati visoku ili višu stručnu spremu iz drugih oblasti i licencu za rad iz oblasti sporta,
- imati status vrhunskog sportiste sa diplomom za rad u oblasti sporta.

Diplome, svjedočanstva, uvijerenja izdaju visokoškolske ustanove i ustanove registrovane za poslove stručnog usavršavanja kadrova u sportu- odbojka. Odbojkaški stručnjaci su obavezni da se usavršavaju prema pravilima utvrđenim od strane UO OS FBiH, zakona o sportu BiH i međunarodnim pravilima.

#### **član 16**

Radi unapređivanja, praćenja i kontrole stručno-pedagoškog rada članova trenerske organizacije, trenerska komisija daje prijedlog UO OS FBiH za izdavanje licence, odnosno dozvole za rad. Na osnovu pravilnika o licenciranju koji donosi UO OS FBiH nadležna komisija trenerske organizacije utvrđuje postupak izdavanja licence (dozvole za rad) kao i kriterijum i mjerilo za utvrđivanje vrijednosti dozvole za rad koji su dužni uplatiti treneri, odnosno klubovi. Trenerska organizacija preko svoje trenerske komisije može neposredno vršiti stručne, organizaciono-tehničke i administrativne poslove na organizovanju seminara, savjetovanja ili drugih oblika za sticanje i provjeravanje stručnih kvalifikacija svojih članova, uz dozvolu UO OSFBiH.

#### **član 17**

Trenerska komisija daje prijedlog Upravnom odboru OS FBiH da zajedno sa odgovarajućim visokoškolskim ustanovama iz oblasti sporta, ili registrovanim ustanovama za usavršavanje i osposobljavanje stručnih kadrova u sportu- odbojka izvrši odgovarajuću edukaciju trenera koji nemaju potrebnu stručnu spremu, licencu za rad te da bi isti mogli obavljati stručne poslove u oblasti sporta.

#### **član 18**

Članovi trenerske organizacije moraju poštovati da je u oblasti sporta zabranjena upotreba, navođenje na upotrebu i davanje nedozvoljenih stimulativnih sredstava u skladu sa zakonom, sportskim pravilima i evropskom konvencijom protiv dopingovanja u sportu. Zabranjeno je sportistu izlagati sportskim aktivnostima koji mogu da ugroze ili pogoršaju njegovo zdravstveno stanje.

### **IV STRUKTURA TRENEERSKE ORGANIZACIJE**

#### **član 19**

Trenerska organizacija ima sljedeći organ/tijelo:

- Trenerska komisija

## **član 20**

Trenerska komisija trenerske organizacije (u daljem tekstu trenerska komisija) je najviše tijelo trenerske organizacije u okviru prava i dužnosti trenerske organizacije.

Trenerska komisija vrši svoja prava i dužnosti na osnovu i u okviru pravilnika o radu trenerske organizacije, Statuta, akata Saveza i zakona.

## **član 21**

Trenersku komisiju čine predsjednik i dva člana Trenerske komisije. Trenersku komisiju imenuje UO OSFBiH.

## **član 22**

Mandat predsjednika i članova Komisije traje četiri godine.

## **član 23**

Predsjednik Trenerske komisije potpisuje akta koja donosi trenerska komisija.

## **član 24**

Sjednica Trenerske komisije održava se po potrebi, a najmanje jedanput godišnje.

## **član 25**

Trenerska komisija ima pravo predložiti 1 člana za organe u OSFBiH u ime Trenerske komisije. Trenerska komisija ima 1 člana u Skupštini OSFBiH.

## **član 26**

Trenerska komisija u okviru prava i dužnosti trenerske organizacije:

- učestvuje u raspravi sa prijedlozima i mišljenjima kao i izmjeni i dopuni statuta OS FBiH,
- utvrđuje osnove rada trenerske organizacije,
- utvrđuje sadržaj i oblik članske legitimacije trenerske organizacije,
- planira i donosi programe svoga rada i rada trenerske organizacije,
- saraduje sa organima OS FBiH, klubovima, trenerskim organizacijama u inostranstvu, itd.,
- predlaže pravilnik o radu trenerske organizacije,
- predlaže kandidate za pohvale, nagrade i priznanja istaknutim članovima trenerske organizacije,
- obavlja i druge poslove utvrđene statutom i opštim aktima OS FBiH,
- utvrđuje metode i oblike ostvarivanja interesa svojih članova,
- predlaže pravilnik o kategorizaciji članova,

## **V JAVNOST RADA I INFORMISANJA**

### **član 27**

Javnost rada se obezbjeđuje objavljivanjem značajnih dokumenata iz djelokruga rada trenerske organizacije u sredstvima javnog informisanja, prisustvom novinara sjednicama trenerske organizacije, odnosno trenerske komisije, izdavanjem biltena i sl.

## **VI SREDSTVA ZA RAD I FINANSIRANJE**

## **član 28**

Finansijska sredstva za djelatnost trenerske organizacije obezbjeđuju se od:

- članarine,
- od djelatnosti trenerske komisije, tj. sekcija,
- vlastitih marketing poslova i na drugi način u skladu sa pozitivnim zakonskim propisima kojima se određuje pitanje finansiranja sportskih udruženja.

## **član 29**

Obim, namjena i raspodjela finansijskih sredstava utrđuje se finansijskim planom za svaku godinu, koji je sastavni dio finansijskog plana OS FBiH. Prihodi i rashodi finansijskog plana moraju biti uravnoteženi.

## **član 30**

O izvršenju finansijskog plana staraju se predsjednik i dva člana.

## **VII PRELAZNE I ZAVRŠNE ODREDBE**

### **član 31**

Tumačenje ovog pravilnika daje Upravni odbor OS FBiH.

### **član 32**

Pravilnik stupa na snagu danom donošenja. Stupanjem na snagu ovog pravilnika presstaje da važi Pravilnik o radu trenerske organizacije br. 2206-06/25, od 11.06.2025. god.

Broj: 2393-06/26  
Tuzla, 08.06.2026 god.

P R E D S J E D N I K

---

Fatić Alija dipl.pravnik